

斬敵六天才穎標名 屈司三官 保命建名
總括岱宗 領死記生 位為地仙 九宮之英
勸教童蒙 開道方成 訓誨女官 校誦妙靈
治祛百鬼 典崇檢精 關祭水源 江海流頌
分掌金較 藏錄玉漿 監植龍芝 洞草夜光

良常北洞 永鎮陰宮 醮官歸命 願得長生
諷經 宜疏 化財 回向

九天三茅司命仙燈儀終

萬靈燈儀

法事如式 啓白

伏以天地之間最靈者人正直之道至聖者
神能靈能聖可敬可尊或出幽而入冥或昇
高而降下均受甄陶之德孰知運化之由有
惠及民立豐名而享祀施功於國膺徽號以
植祠昭然是理之不誣妙矣其言之難述恭
惟某神堂堂顯相赫赫厥靈護國救民利人
濟物有求而必應無禱而不通四海欽崇群
生敬仰處處建祠而立廟家家繪像以圖形
恪意歸依虔誠供奉今某人謹依科格建立
壇場潔備香燈用延軒馭伏願大造昭垂洪
恩降格納此懇懇之禮鑒茲作善之祥稽首
歸依虔誠讚詠

臣眾等志心歸命某神

伏以神靈之道惟德可親禍福之來惟民自
召雖洪慈而有感蓋造化以無私然賞罰之
必公惟轉移而不吝倘愆非聿回恩祐今
某人洗心滌慮向道歸真備列燈儀志心歸
命伏願慈祥愷悌洪造冲和度暑逾寒俾殄

侵凌之厄安居樂業克膺至順之祥稽首歸
依虔誠讚詠

神靈之道古今惟尊威容赫赫無願不從
輔佐天地變化飛空志心欽奉有禱皆通
消災降福人宅安寧一心歸命願得長生

臣眾等志心歸命某神

伏以助靈助順受祭祀於十方立德立功膺
侯封於萬里常推忠而護國每行罰以示人
巍巍端拱於祠庭凜凜尊居於廊廟聿回多
福茂顯厥功今某人叨承覆燾仰沐玄恩肅
清舍宇潔備香燈志心歸命伏願聲馳宇宙
發揚生育之仁威鎮邦家挾擴昭明之德常
善救人而無棄人至仁及物而無棄物保家
國以利享俾宅庭而元吉稽首歸依虔誠讚
詠

布功德德設化利人種種方便巍巍祠庭
保民有道治世顯靈消災降福家眷安寧
臣眾等志心歸命某神

伏以人居黃道傾心慊以歸依神鑒丹衷發
靈光而照燭至仁好生乃延生而度厄大慈

惻隱而散禍以消災今若人虔依道典恭按
仙科備香燈供養之儀布神聖威嚴之像志
心歸命伏願神靈普濟天德均齊闡慈慈善
利之心賜延壽康寧之慶稽首歸依虔誠讚
詠

乃神乃聖乃武乃文功勳昭著司命司真
為民致福度厄消迤恩沾宅宇德被咸均
嚴恭寅敬如谷應聲消災降福善及家庭

臣眾等志心歸命某神

伏以天位居高神心善應聯司下土之權令
東上天之命凡伸祈禱必賜感通仰依覆載
之仁丕錫包荒之賜今某人五體叩陳一心
歸命備陳淨供羅列香燈志心歸命某神伏
願德洽無方恩霑罔極保全大有覆護羣生
保祿壽以繁昌滋福基而永固稽首歸依虔
誠讚詠

聰明正直神聖威靈上佐天命下滅妖精
覆護羣品昌熾功勳有求皆應盛德無垠
消災降福恩及人民

臣眾等志心歸命某神

伏以天生萬物咸依長育之功人事百端皆
託至神之祐凡遂一身之飽暖悉由眾聖之
陶鑄極感玄恩宜多受賜是以按一心之恭
敬邀至聖之尊嚴俯露丹誠仰酬素念今某
人謹依科式備列香燈志心歸命眾神伏願

神力默扶聖恩廣洽四季保家庭之清吉每
年俾老幼以安寧祿壽增崇善芽長茂稽首
歸依虔誠讚詠

至神至聖惟德惟馨上奉帝命守護萬民
却邪立正救濟含生四時順度以保時豐
消災降福內外皆同

諷經 向來 回向

萬靈燈儀終

五顯靈觀大帝燈儀

法事如式 啓白

焚香供養都天威猛大元帥顯聰昭應孚仁
廣濟王橫天都部大元帥顯明昭烈孚義廣
佑王通天金目大元帥顯正招順孚智廣惠

王飛天風火大元帥顯直昭佑孚信廣澤王
丹天降魔大元帥顯德昭利孚愛廣成王助
靈史相公助順卞相公翊應周將軍王念二
總管黃王二太尉今狐寺丞善慶童子土地
真官直日功曹後宮仙源聖眷靈順法部侍

從威靈悉運真香普同供養
切以聰明為聖常顯跡於人間正直乃神屢
彰名於世代啟五通之神殿決六蔽之昏衢
天地風火水之間通達無礙仁義智信愛之
聖惠澤旁施莫含識之回光遂知機而見曉

欽慕昭昭之景宏演燈儀苟馳効効之誠旋
垂鑑映凡於動靜皆賴護持遙瞻烜赫之容
控露歸依之悃仰祈法駕俯鑒精衷今某猥
處人倫遵承科教既沐覆全之德敢忘資奉
之恭敬選良辰肅陳陳淨供伏願銀缸煥爛門